



kal.komp.

53338

I

Mag. St. Dr.

P

*Negalesa Joannis: Quacstio de operatio-
nibus animae humanae in statu
separationis.*

Biblioteka Jagiellońska



stdr0002321

QVÆSTIO
DE OPERATIO-
NIBVS ANIMAE HVMANAE
in Statu Separationis.

A
M. JOANNE ROGALICZ
*in Alma Academia Cmcouien. publice ad
disputandum proposita III. Calend. April.
Anno M. DC. XXI.*



Permissu M. D. Rectoris.

CRACOVIAE,
In Officina Martini Philipowski. Anno 1621.



FORTIBVS AVSIS



53338

Ausa **LEOMURO** subsistens fortia suadet :
Ausos **NISCICIOS** fortia facta docet
Impia Caluini prosternere fortiter aude
Monstra, **CAROLE**, cie fortia facta **LEO**.



Illustri & Admodum Reuerendo Domino,

D. CHRISTOPHORO

CAROLO à RADZANOW

NISCZYCKI, ARCHIDIACONO

Ploccn. Canon. Gnes. Supremo Regiæ

Cancell. Præfidenti, &c. &c.

Domino & Patrono suo clementissimo

M. IOANNES ROGALICZ

Salutem, & Felicitatem.

DISQUISITIONEM de operationibus
Animæ humanæ in Statu Separationis publicè in
celeberrima Academia Cracouien. propugnatam
Illustris & Admodum Reuerende Domine Tibi dicatum
eo: atq; intimo meo voto utinam maius aliquod, atq; specio-
sius munus; Certè merebaris; & impensè ego volebam, sed
quid est? aliud præ manu nunc non erit, & differre diu-
tiùs professionem huius æris alieni pudor meus, & ingenuus
animus recusabant. Tu ille es, qui in fratres meos imme-
rentes, fontem benignitatis Tuae ultro reserasti, quem ut
in mei partem transfundi, & ad me derivari cum liquido
constet, alienus à Musis, & Gentiis omnibus sim, nisi me

gratum in Te Illustris Domine præstem; Et quod proximum est lucem aliquam conquiram à clarâ, Et Illustri luce Tua. Inter tot videlicet obsequia fortune, ut nihil nisi summum eligeres, Sacra placuere, sanctisq; altaribus purum admoxisti Sacerdotem; ac proinde non æternitas magis deerie Virtuti Tue, quàm nunc dignitas. Cui grande augmentum vti Suprema CANCELLARIA RE-
GIA PRÆSIDENTIA nuper attulit; ita ad maiora adhuc gradum, gratiamq; superesse nos clientes Tui (me enim serò inter illos serios numero, qui gratis vti amari possunt, ita colere vicissim) cum benevolentia contemplantur. Te modo Illustris Et Admodum Reuerende Domine SIGISMUNDVS REX inuictissimus Et VLADISLAVS maximi patris spes columenq; Regni diu incolumem adspiciant: neq; antea Tecum pariare fortuna desinat, quàm Insulas, Et purpuram reddat sacrum, sacratis Tuis virtutibus, meritisq; debitam. Quod animo candido Deum precor: qui Te Illustris Et Admodum Reuerende Domine honori suo, Ecclesiæ bono, Et nostris vñsibus, vel tria secla seruet. Circonia VI.
Calen. April. Anno M. D. C. XXI.



QVÆSTIO.

V Anima humana, ab Intelligentia essentialiter differens, in Statu Separationis sibi præter naturam competenti, naturaliter actum cognoscendi exerceendo, omnia quæ ordinem naturæ non excedunt, distinctè intelligere; & non solum seipsam, sed alia quoq; à se mouere valeat, nec ne?

CONCLUSIO I.

Anima intellectiua separata, essentialiter ab Intelligentia distinguitur.

COROLLARIA.

1. *Animas humanas, vt naturæ specificæ perfectione æquales non esse Intelligentijs certum est: ita nec yisdem essentiali dignitate præire.*
2. *Anima rationalis, vtpote materiæ vnibilis, & formæ compositi existens, est ens incompletum.*
3. *Intellectus humanus ab intellectu Intelligentiæ speciei distinguitur.*
4. *Intellectio humana est per compositionem, & discursum, & ex sensibilibus collecta: cognitio porro Intelligentiæ est per simplicem intuitum, & ex influxu superni luminis.*
5. *Anima humana, si quando more Intelligentiæ rem percipit non discurrendo, id aut præter naturam euenit,*

ratione status separati, aut supernaturā, ratione glorię.

CONCLUSIO II.

Separatio animę à corpore, tum in fieri, tum in facto esse, et ei præter naturam.

COROLLARIA.

1. Physicę separationis status soli animę humanę conuenit.
2. Status animę separatae formaliter spectatus, est priuatio actus secundi eiusdem animę, scilicet informationis, seu unionis cum corpore; atq; adeo omnium unionem illam consequentium.
3. Actio animę extra corpus, etsi illustrior sit; non tamen est connaturalior.
4. Anima humana ad unionem corporis naturaliter propendet; eiusq; societatem non innato duntaxat, sed elicitio quoq; appetitu desiderat.
5. Reunio animę cum corpore est naturalis in ordine ad entitatem; in fieri tamen seu quoad motum supernaturalis.

CONCLUSIO III.

Anima humana in Statu Separationis naturaliter exercet actum cognoscendi.

COROLLARIA.

1. Certum est, animam cum à corpore excedit, tum scientiarum habitus, tum species intelligibiles, quas hęc sibi comparauit, secum à portare. An uerò seiuncta à corpore rerum imagines acquirat necnē? Problema esto.
2. Anima separata tum per species quas secum defert, tum

per

per eas, quas ei Deus confert, intelligit; per utrasque quidem naturaliter, id est citra miraculum, sed tamen præter naturam.

3. Anima à corpore abiuncta in cognitiones naturales tum discurrendo, tum sine discursu prodit.
4. Discursus, quo anima separata utitur, est promptissimus, subtilissimus, ac propè instantaneus.
5. Etsi anima aliquando actualem suipsam cognitionem suspendere possit; nunquam tamen ab omni prorsus intelligendi actu ociatur.

CONCLUSIO IV.

Anima sepaata, omnia intra latitudinem obiecti naturalis suæ cognitionis comprehensa, potest naturaliter, & distinctè intelligere.

COROLLARIA.

1. Anima in Statu Separationis non indiget amplius velle corporis concursu ad intellectionem, sicut in Statu Informationis.
2. Anima separata cuncta sensilia distinctius intelligit, quàm corpori unita.
3. Anima in Statu Separationis nequit, quæ apud nos geruntur, naturali lumine cognoscere.
4. Substantia animæ separatæ, est ei ratio ac principium cognitionis suæ, suarumque potentiaram; in reliquis tractatur tam communibus, quàm singularibus, tam materialibus, quàm immaterialibus cognoscendis, utitur speciebus acquisitis, vel infusis.

5. Probabile est, animam separatam naturali, & distincta cognitione Intelligentias nosse, earumq; naturales proprietates, & operationes, exceptis (vt vocant) cordium cogitationibus.

CONCLUSIO V.

Anima separata non sui solùm, sed & aliarum rerum sibi externarum, minimeq; substantialiter iunctarum pro viribus suis, motrix est.

COROLLARIA.

1. Quaelibet res creata seorsim ab alia existens, mobilis loco est, siue à se, siue ab extrinseca virtute.
2. Animæ depositis corporibus, nulli loco sunt addictæ.
3. Licet facultas motrix spiritalis animæ à primo eius ortu sit congenita; eius tamen vsus non nisi post excessum à corpore, ipsi animæ conceditur.
4. Animæ separatæ non secus ac Intelligentiæ possunt assumere corpora, eaq; ad libitum mouere, ac sine miraculo, hoc modo ad viuos regredi, & per assumpta illa corpora apparere; immò & colloquia, licet non per veras voces cum ipsis miscere.
5. Motiua animæ separatæ vis, præscriptos habet suæ ætuitatis terminos, quantum ad efficaciam & celeritatem agendi.

Sub felicibus auspicijs Magnifici & Admodum Reuerendi Domini
IACOBI TVROBOYSKI Sacræ Theol. Licent. Ecclesiarum Col-
legiatarum S. Floriani, Decani, SS. Omnium Præpositi, Vniuersitatis
Cracouiensis Generalis RECTORIS,



Handwritten signature in red ink, possibly reading 'J. J. 17'.



